

¡BOMBA!

De Palacio, con amor,
en un día de homenaje,
Claudia anunció, con coraje:
“vamos bien, pronto mejor”.



K'untzil

Martes 2 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2555 · www.lajornadamaya.mx

Tu tíitubáaj u lu'umil Afganistán; maanal 810 wíinik tu kíinsaj yéetel kex 2 mil 800 máax úuch loobilaj ti'



Afganoilo'obe' tu xchukul páano'ob tu yáam le seten ba'alo'ob nikikbalo'obo' ti'al u kaxtik u láak'o'ob jsa'at úuchik u tíitukubáaj lu'um ts'o'ok u kíinsik kex 812 máako'ob, yéetel u loobilt uláak' maanal 2 mil 800 u túul tu lak'inil Afganistán, beey úuchik u ts'a'abal k'ajóoltbil le lunes máanika' tumen talibánil jala'ach.

6.0 u muuk'il úuchik u titikubáaj lu'u, tu yáak'abil le domingo máanika', ts'o'oke' u'uyyaj ti' jejeláas

kaajo'ob ti' u kaajil Kunar, naats' ti' u kaajil Jalalabad, tu tséel Nangarhar, tu'ux k'aschaj ya'abach ba'al.

Las 11:47 áak'ab ka'aj tu tíitubáaj lu'um, ts'o'oke' u chúumukile' ti' yanchaj tu kilómetroil 27 tu lak'inil-xamanlak'inil u noj kaajil Jalalabad, a'alab tumen Servicio Geológico ti' u noj lu'umil Estados Unidos. Ma' seen taam úuchik u tíitukubáajo', chéen 8 kms u taamil. U tíitukubáaj lu'um maas beey yóok'kabile' maas ya'ab ba'al ku

k'askúuntik. Tu paach noj tíitajile', taal uláak'o'ob éets'tej.

Oochelo'ob jóok'sa'abe' tu chiikbesaj áantaj máako'ob ka'alikil u jóok'sik máaxo'ob úuch loob ti'ob ti' le kúuchilo'ob níikij. Biinsabo'ob ti' helicópteros ka'alikil u páana'al uláak' ba'Oalo'ob.

Zabihullah Mujahid, juntúul máax beetik u k'a'aytajil ichil u talibán jala'achil, tu ya'alaj ti' k'a'aytajil tsikbal le lunes máanika', ts'o'ok u chukik kex 812 kimen máak,

yéetel kex 2 mil 800 máax ti' úuch loob. U ya'abile' ti' u kaajil Kunar.

Kúuchilo'ob Afganistáné' ma' jach ka'analtako'obi', u ya'abile' beeta'an yéetel concreto beyxan ladrillo, ts'o'oke' najo'ob ti' mejen kaajo'obe' beeta'an yéetel luuk' beyxan che'. Ya'abe' ma' mu'uk'antaki'.

"Paalale' ti' yaan yáanal ba'ax níikij. Nukuch wíinike' ti' yano'ob yáanal le ba'axo'ob lúubij. K'a'abéet to'on áantaj", tu ya'alaj juntúul kajnáal ma' tu ya'alaj u k'aaba'i'.